

16171/p

55151

# TENTAMEN MEDICUM

DE DIATHESI PUTRIDA,

Quod, in augustissimo Ludovico  
medico Monspeliensi, argumentan-  
tibus Professoribus illustrissimis,  
tueri conabitur,

JOANNES - FRANCISCUS BURELLE,  
*Molinæus*, è partitione Elaveris,  
*Liberalium artium magister*, & Uni-  
versitatis medicæ Monspeliensis jam-  
dudum *Alumnus*.

Pro baccalaureatûs gradu consequendo.



MONSPELII,

Apud J. F. TOURNEL & J. G. TOURNEL, Universitatibus  
Typographos & Bibliopolas,



A LA MEILLEURE

D E S

M È R E S.



J. F. BURELLE.






# TENTAMEN

## MEDICUM

### DE DIATHESI PUTRIDA.



**T**EMPORUM in valetudinem influxus ab omni ævo annotatus fuit. *Hippocrates* & illius celeberrimi successores *Ballonius*, *Sydenhamius*, *Grantius*, &c. tanquam fontem morborum ordinis cujusdam varias aëris mutationes habuerunt, contenderuntque etiam omnes ferè internos affectus, tempestati in quâ exstant aliquid debere. Ista opinio quam veram demonstravit experientia, stabilitur in eo quod corporis humores varias patiantur degeneraciones quæ constanter unicuique tempestati adfixæ videntur, oriuntur indè totidem constitutiones

præcipuæ inter quas medii sunt adhuc status qui plùs minùsve ad hanc vèl illam vergunt.

Illarum diathesium cum temporibus relationem & ipsarum interfese connexionem sequi me juvaret, sed tantum opus, nec vires, nec breve studiorum tempus permittunt; satis fiat unam tantùm ex illis expendere: de putridâ diathesi agam.

Constitutioni cuidam febris putridæ nomen assignatum à veteribus fuit tribus ex præcipuis phœnomenis. 1<sup>o</sup>. In hâc febre fœtidus inest odor omnibus excrementis, sudori scilicet, urinæ, halitui, &c. 2<sup>o</sup>. Extinctis vix ægris confertim corrumpuntur cadavera, unde huncce humorum statum maximè ad putrefactionem tendere intulerunt. 3<sup>o</sup>. Sanguis frigefactus, carnis putrescentis modo, viridente membranâ obtegitur. Hoc autem scimus effectum esse non verò causam febris.

In morbis igitur, putridi nominis significatio differt ad acceptione vulgari, in eo quod tunc illa putriditas oriatur ex morbificâ humorum dispositione variis causis productâ; sed quamquam ille status non sit jam verè putris, attamen interdùm putredinis adeò affinis est, ut affinior cum vitâ existere non posset. Omnium observatorum testimonio, constat hanc ce-

dispositionem in julio & augusto mense frequentiore esse præsertim si vigeat tempus humidum simul & calidum. In omni tamen tempestate febrem putridam invadere posse fateor, sed tunc aliæ adstant causæ extraneæ, scilicet putredo scorbutica, cancerosa, venerea, venenosa, &c. Hic verò solùm loquendi animus est de febre constitutionis epidemicæ, quæ, nullâ, præter tempus, apparente causâ, regulariter quotannis reducitur.

Si fidem adhibeamus sententiæ *Sydenhami*, *Pringlii*, *Grantii*, proxima hujus febris causa est quædam sanguinis dissolutio & solidorum laxitas quæ functiones perfectè adimpleri non sinit; excrementaque non expulsa, collectioni symptomatum quæ hunc morbum constituit, originem præbent. Ista verò sanguinis dissolutio oritur tempore calido & humido, secretionum & excretionum solitarum cessatione, aere stagnanti & contaminato putridis exhalationibus, sive paludibus, sive halitu animantium catervatim congregatorum. His omnibus præcipuè infestantur incommodis illi qui in navibus, nosocomiis, castris, carceribus, &c. diù remanent. Eundem etiã ferè producunt effectum substantiæ subiectæ: mercurius scilicet, ut patet sæditate sudoris & halitûs, colore urinæ



quæ febrium putridarum urinæ , turbatione similis est ; jalap , aloës , venena animalia in sanguinem morfu illata , insectorum corruptio , morbifica quarundam pestilentium febrium miasmata , quæ à celeberrimis auctoribus fuerunt observata.

Hujus constitutionis talis qualis omnibus redit æstatibus , ut naturam explicemus , ad divisionem requirendum est. Primum , ut supra diximus , ineunte julio , omnibus aut ferè inest sanguinis quidam dissolutionis gradus , qui magnam augusti partem occupat , id est usque ad cholæræ morbi accessum , juxtà *Grantium*. Si nihil huic dissolutioni adjungitur , paulatim temporis mutatione corrigetur ; renovabitur textura quam amiserant humores nullusque verè formatus apparebit morbus ; contra verò si casu quodam , per tempus illud aliquem febris invadit , cum istâ dissolutione complicabitur , & semper putridarum in genere adnumerari debebit , nisi vigore & sanitate mirabili donetur æger.

His positis , vera diathesis putrida pluribus cum affectionibus epidemicè potest complicari. Si sola est , evanescente causâ originali , ipsa evanescet ; si verò complicatur affectio epidemica semper prima aggredienda est , & post-

hâc sporadica in naturali statu restituta convenienti modo tractabitur.

Inter signa quibus dignoscitur febris putrida, tanquàm pathognomonicum habendus est dolor ferè intolerabilis in parte inferiori cartilaginis xiphoïdis. Concomitantia alia sunt pondus in præcordiis cum vagis lumborum & dorſi doloribus, pulsus non durus sed celer, cephalalgia, vultus rubor, lingua in medio alba, interdùm fordida, rarò sicca, sudores spontanei sæpissimè symptomatici nullum afferentes levamen, magna virium prostratio, alvus intensa, urinæ flavæ cinereæ, deponentes sedimentum obsoletè rubrum, cutis sicca, petechiis rubris, flavis obducta, interdùm aphræ, parotides, &c.

Varia erit methodus medendi pro gradu & vehementiâ morbi, variis circumstantiis, ætate, sindromeque virium. Colluviem putridam, si non turgeat, mobilem efficiet medicus, lenibus refrigerantibus & resolventibus, tamarindorum decocto, tartari cremore, fero lactis tamarindato, hordei ptisanis, oxymelle, orizæ cremoribus, ptisanâ ex citris, &c. Mobilem factam & turgentem vomitorio si suprâ, purgante autem si infrâ, expellet.

Solventibus itâ præmissis, ut diximus, emeticum propinavisse nunquàm medicum pœnite-

bit. Simplicem efficiet morbum , si quasi manu causam omnem materiale non arcet. Vomitorium ex ipecacuanhâ quæsitum , non tam miros producit effectus , sive mitius agat , sive ex aliâ quâcumque causâ , sed mixta radix cum tartaro stibiato utiliter adhiberi potest. (*Pring.*)

Venæ sectioni difficile indulgendum erit , sanguinem frenum bilis esse arbitrabantur veteres ; & neotericorum , quantum in putridis fuerit exitiosa hæc medicina , multæ testantur observationes ; attamen sæpè adest inflammatoria quædam conditio aut spasmodica quæ vana medici tentamina reddere valeret. Tunc , opinor , dummodò parcâ manu fiat , sanguis utiliter mitti potest. Nescio quidem an evacuationes non multum juvaret & an sæpè purgationes præcedere non deberet , & in hoc auctorem habeo *Sydenhamum* , qui sic in epist. ad D. *Brady* , loquitur : « Verùm in morbis » epidemicis cujuscumque generis sint (si modo » recens adhuc ægrum corripuerint ) summo- » perè cavendum ne alvus ei ducatur , nisi » missò priùs sanguine ; hoc constanter assero » quantumlibet mos jam obtineat exhibendi » cathartica antè celebratam venæ sectionem , » vel quod est periculosius , eâ penitus omissâ. » *Vid. seq. loc. cit.*



*Ballonius*, in *lib. 1 ephem.*, huic consilio assentit : « An neotericorum, inquit, standum » opinioni qui in febribus quas humor putref- » cens accendit à venæ sectione temperant, » quod in mesenterio humores concluduntur. » Contrà stat experientia, nam statim à sec- » tione, morborum levatio. » Idem jubet *Pringlius* in capite ubi de curatu morborum castris & paludosis locis affectorum tractat.

Sudores ante coctionem semper inopportuni sunt, & nedùm excitentur, ut contenderunt quidam auctores, cùm tantis per copiosiores evadunt, mineralibus quidem acidis moderandi sunt.

Ferè inutile dictu quàm accuratè removendæ sint causæ, excitandæ aut sustentandæ febri pares, quàm æger reponendus sit in loco elato, conclavi magno, stragulis mundis, aëre sicco & sæpè renovato ; quàm frequenter è lecto eximendus, per cubiculum ambulaturus, ne tepore lecti putredo foveatur & languescant excretiones maximè urinarum, quàm liberius debeat indulgere fructibus horreis, acidiusculis, cerasis, ribiis & tandem omnibus frugibus ( dummodò sint maturi ) eminenter æstum febrilem compescere, & putriditatem arcere : sedò valentibus, ut quasi saponem dissolventes

& corrigentes morbificam materiem habendi sint; quàm accuratè cibos omnes ex animali regno sumptos vitare debet; maximè tandem quàm potus omnes frigidi sint præbendi.

Opiata, alexipharmaca, antè signa coctionis intempestivè dantur noxiique quidem sæpè fuerunt priusquàm cadat pulsus. Cortex ipse peruvianus utilis esse in hoc casu potest, cum præmissis coctionis crisisque signis, pulsus profundus fieri videtur & lingua madescere.

Hæc sufficient opportunè adhibita, sed si quâvis de causâ in pejus omnia ruant & debacchetur furens morbus teterrimis cum symptomatibus, ad heroïca extemplò remedia, oblitâ pro circumstantiâ coctionis animadversione, ad omnia ruinæ virium, humorum degenerationi, solidorum debilitati accommodata, tamquàm ad anchoram confugiendum est. At hæc non indiscriminatim, sed cautissimè seligenda & opportunissimè sunt adhibenda.

Palmam præripiet kina, ubi viribus prostratis, solidis laxis, languenti vitali principio prospiciendum erit. Camphora, serpentaria, præcipuè vinum generosum, calorem innatum in foco coercebunt ubi fatiscentem indicant pulsus tenues, celerrimi, artus frigidi, &c.

Acida mineralia maximâ stipticitate donata, sanguinem dissolutum quovis emunctorio profluentem compescent; efflorescentiæ, petechiæ evanescent. Inter illa præpoller acidum sulphuricum; ni quod, viribus penitus exhaustis, torporem adaugeat, timendum sit; tum certè vesicantia, sinapismi perutiles esse poterunt.

Similis est nostræ, aut parùm abest, methodus quâ utebatur *Hippocrates* in affectionibus putridis, de unâ typhi specie quæ nihil aliud est, me iudice, quam nostra febris, sic loquitur: « Typhus invadit æstatis tempore » cum canis fidus oritur. Statim igitur ægrum » febres vehementes corripunt, & acutus » ardor & à gravitate imbecillitas crurumque » ac manuum impotentia, venter perturbatur » & quæ dejiciuntur gravè olent..... Hunc ità » se habentem ità curato, primis diebus balneo & cibis abstineat, forbitiones tenues » & frigidas exhibeto, vinum autem si ipsi » conferat, nigrum, austerum bibat; quod » si vehemens sitis ex ardore urgeat, ubi » confertim potum multum exhibueris vomere jubeto idque bis aut ter facito. At » si horror corpus detinuerit refrigerantia » remittito. »



Huic tentamini finem imponemus anno-  
tando maximè cum *Hippocratis* observatio-  
nibus & regulis practicis conferre *Sydenha-*  
*mum*, ut videre est in lib. epid. anni 1667,  
cap. 2.

F I N I S.